

Landesbibliothek Oldenburg

Digitalisierung von Drucken

**Samuelis De Cocceji, Henr. Fil. Sacræ Regiæ Majestatis
Borussicæ Magni Cancellarii, A Consiliis Sanctioribus
Status Et Rei Bellicæ, Ordinis Nigræ Aquilæ Equitis Etc.
Jus Civile Controversum Ubi ...**

Opus Ad Illustrationem Compendii Lauterbachiani ...

Cocceji, Samuel von

Lipsiæ, 1766

LIB. XI. TIT. III. De Servo Corrupto.

urn:nbn:de:gbv:45:1-9044

SERVO CORRUPTO.

QV. I. *An actio hæc sit famosa?*

Laut. pag. 157. verb. Non famosa. **N**EG. (1) Quia quatuor tantum sunt delicta famosa. *Laut. comp. pag. 62.* sub quibus hoc delictum non continetur. (2) Atque hinc actio hæc contra uxorem quoque datur. *L. f. h.* Non vero daretur, si esset famosa. *arg. t. t. & l. 2. ff. R. amot.* (3) per text. expr. in *l. 5. §. f. l. 6. junct. l. 7. pr. Obseq. patr.*

OBJ. (1) §. 23. *Inst. act. §. 26. Eod.* ubi comparantur actio furti, & actio servi corrupti.

RESP. Comparantur quoad effectum præstationis dupli, non ultra.

OBJ. (2) *L. 56. pro socio. L. 5. §. f. junct. l. 6. Obseq.* ubi actio servi corrupti pro famosa habetur.

RESP. Imo tantum ibi dicitur pro turpi haberi, quia personæ dolum malum notat, famosa non est, uti id expresse traditur in *d. l. 5. §. f. l. 6. junct. l. 7. pr. de Obseq.*

Vid. *Laut. pr. h.*

DISSENT. *Goth. ad d. l. 5. & d. l. 6.*

QV. II. *An hæc actio sit mixta, ita ut duplo res in sit?*

Laut. pag. 158. verb. Duplo res inest. **A**FFIRM. *L. 14. §. 5. h. l. 9. §. p. Eod.* **OBJ.** §. 26. *Inst. act.* ubi actio hæc cum actione furti conjungitur, & mixtis actionibus contradistinguitur, asseriturque has actiones omni modo in duplum esse.

RESP. Imo non contradistinguantur actionibus mixtis, sed eis quæ ex postfacto, & per inficiationem demum, in duplum fiunt: cum actio servi corrupti, & actio furti, statim ab initio in duplum dentur. §. 29. *Inst. Eod. Conf. Berg. in resol. h. t.*

Hodie & servi, & omnes pœnæ privatae, cessant, & sic hæc actio quoque directa usum amplius non habet: At utilis hodieque obtinet, de qua vide *Laut. in fin. h. t. Conf. quaest. 4.*

QV.



Qv. III. *An femina inhonesta a vicinis e vicinia expelli possit?*

AFFIRM. Si domus sit conducta; *arg. Nov. 14. §. 1. per tot. ibique Laut. pag. Goth. lit. C. Papon. de arrest. 22. arrest. 9. & 14. Unde & usua- 158. verb.* ria, si meretrix sit, expelli potest. *l. 7. ff. Us. & Hab.* At aliud est, *Inhone- stae feminae.* si domus ei sit propria, *arg. l. 18. In jus voc. nisi omnibus scandalo sit;* tunc enim non tantum e domo, sed & e civitate expelli potest. *arg. d. Nov. 14. Conf. Thestur. lib. 1. q. 33.*

Qv. IV. *An hodie adhuc sit hujus tituli usus?*

AFFIRM. Quoad utilem actionem, atque hinc ob famulorum, liberorum, uxoris &c. mores corruptos actio hæc utilis hodieque dabitur. *Dn. Stryk. U. M. h. §. 1. 2. 3. & seq.*

LIB. XI. TIT. IV.

DE

FUGITIVIS.

Qv. I. *An famulis discedentibus debeatur merces ratione praeteriti temporis?*

AFFIRM. Operarum enim usus singulis momentis percipitur, *Laut. pag. 158. verb.* adeoque quia pro rata operas praestiterunt, pro rata quoque merces ei debetur. *arg. l. 15. §. 7. Loc. cond.* At dominus deducit quanti sua interest famulum, ante locationis tempus elapsum, non recessisse; *arg. d. l. 15. quia hactenus operas non praestitit, indeque nec operarum mercedem petere potest. Laut. h. t. Nec famuli ante &c.*

An vero iudex praematurum discessum punire possit, valde dubito, vide *Laut. h. t.* nam in jure, nullibi poena publica ob contractum locationis non servatum constituta est.

LIB.

